



Tužilac Odjela III Tužilaštva BiH podigao je optužnicu protiv Hrustana Botića (1983.) iz Kotor Varoša, ranije osuđivanog, državljanina BiH, koji se tereti za krivotvorenje novca.

Optužnica ga tereti da je neutvrđenog datuma od 1. do 10. septembra 2011. godine, na njemu poznat način, pribavio jednu krivotvorenu novčanicu u apoeni od 50 eura i četrdeset četiri krivotvorene kovanice u apoenima od 5 KM, za koje je znao da su krivotvorene, a s ciljem da ih stavi u opticaj.

Kako se navodi u optužnici, Botić je 13. septembra 2011. godine u Kotor Varoši jednoj osobi platio dio kupljenog ogrjeva, dajući joj jednu lažnu novčanicu od 50 eura i 11 metalnih lažnih kovanica u apoenima od po 5 KM, dok je ostale trideset tri lažne kovanice zadržao za sebe.

Optuženi se tereti da je lažan novac stavio u opticaj, čime je počinio krivično djelo krivotvorenje novca.

Optužnica je proslijeđena Sudu BiH na potvrđivanje, saopćilo je Tužilaštvo BiH.

(FENA)